



Broj: 02-05-2648/17
Lukavac, 26.12.2017.godine

Na osnovu članova 68. stav (1) i 72. stav (3) tačka b) Zakona o javnim nabavkama („Službeni glasnik BiH“, broj 39/14), u otvorenom postupku javne nabavke radova za sanaciju asfaltnog kolovoza na lokalnim putevima - LOT 2, na Preporuku Komisije za provođenje postupka javne nabavke broj: 02-05-2648/17 od 25.12.2017.godine, Općinski Načelnik donosi

ODLUKU
o dodjeli ugovora za nabavku radova za sanaciju asfaltnog kolovoza
na lokalnim putevima - LOT 2, drugorangiranom ponuđaču

Član 1.

Poništava se Odluka broj: 02-05-2648/17 od 12.12.2017.godine o izboru najpovoljnijeg ponuđača za nabavku radova za sanaciju asfaltnog kolovoza na lokalnim putevima - LOT 2, kojom je ugovor dodijeljen ponuđaču „POROBIĆ“ d.o.o. Zavidovići.

Član 2.

Prihvata se Preporuka Komisije za provođenje postupka javne nabavke broj: 02-05-2648/17 od 25.12.2017.godine i ugovor o javnoj nabavci radova za sanaciju asfaltnog kolovoza na lokalnim putevima - LOT 2, dodjeljuje drugorangiranom ponuđaču „RIAL-ŠPED“ d.o.o. Doboj Istok, prema ponudi broj: 149/17 od 13.11.2017.godine i za ponuđenu cijenu nakon završene e-aukcije u vrijednosti od 79.400,00 KM, bez PDV-a.

Član 3.

„RIAL-ŠPED“ d.o.o. Doboj Istok je dužan da, u roku od 7 (sedam) dana od dana prijema ove Odluke, dostavi općini Lukavac, kao ugovornom organu, dokaze o ispunjavanju uslova iz člana 45. stav (2) tačka od a) do d) Zakona o javnim nabavkama BiH, navedene u tački 12.1. od a) do d) tenderske dokumentacije; originale ili ovjerene kopije potvrda poslovnih banaka koje su dostavljene kao kopije u ponudi, a u skladu sa tačkom 13.2.4. tenderske dokumentacije; originale ili ovjerene kopije potvrda Poreske uprave o broju uposlenih/Listu osiguranih lica, koja ne smije biti starija od 3 mjeseca računajući od trenutka predaje ponude, a u skladu sa tačkom 13.3.4. tenderske dokumentacije.

Član 4.

Ova Odluka bit će objavljena na internet stranici općine Lukavac (www.lukavac.ba).

Član 5.

Ova Odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-02-1-2647/17 od 10.11.2017.godine. Javna nabavka sprovedena je otvorenim postupkom nabavke. Procjenjena vrijednost javne nabavke radova za sanaciju asfaltnog kolovoza na lokalnim putevima - LOT 2, bez PDV-a je 98.372,70 KM.

Obavještenje o nabavci broj: 719-1-3-98-3-63/17 objavljeno je na Portalu javnih nabavki dana 10.11.2017.godine.

Javna nabavka je provedena u otvorenom postupku i primjenom e-aukcije.

Komisija je provela postupak i o provedenom postupku sačinila odgovarajuće zapisnike i druge akte.

Komisija je konstatovala da u zakonom propisanom roku ponuđač „POROBIĆ“ doo Zavidovići nije dostavio dodatnu dokumentaciju.

Iz navedenih razloga, a postupajući u skladu sa članom 68. stav (1) Zakona o javnim nabavkama („Službeni glasnik BiH“, broj 39/14), Komisija je ponudu ponuđača „POROBIĆ“ d.o.o. Zavidovići, odbacila kao neprihvatljivu.

U skladu sa članom 72. stav (3) Zakona o javnim nabavkama, Komisija je dala ugovornom organu Preporuku broj: 02-05-2648/17 od 25.12.2017.godine, da ugovor za sanaciju asfaltnog kolovoza na lokalnim putevima - LOT 2, dodijeli drugorangiranom ponuđaču sa konačne rang liste nakon završene e-aukcije „RIAL-ŠPED“ d.o.o. Doboj Istok, a prema ponudi broj: 149/17 od 13.11.2017. godine i za ponuđenu cijenu u vrijednosti od 79.400,00 KM, bez PDV-a.

Ocjenom naprijed navedenog, zaključeno je da je Komisija pravilno izvršila ocjenu dostavljenih dokaza u skladu sa zahtjevima iz Tenderske dokumentacije i Zakona o javnim nabavkama.

Takođe je utvrđeno da razlika ponuđenih cijena iznosi 7.400,00 KM bez PDV-a, i da je prihvatljiva.

Na osnovu naprijed navedenog utvrđeno je da se može prihvatiti Preporuka Komisije i Ugovor za radove za sanaciju asfaltnog kolovoza na lokalnim putevima - LOT 2, dodijeliti drugorangiranom ponuđaču „RIAL-ŠPED“ d.o.o. Doboj Istok, a prema ponudi broj: 149/17 od 13.11.2017. godine i za ponuđenu cijenu u vrijednosti od 79.400,00 KM, bez PDV-a.

O sadržaju dispozitiva Odluke i obavezama drugorangiranog ponuđača i ugovornog organa odlučeno je u skladu sa odredbama članova Zakona o javnim nabavkama („Službeni glasnik BiH“, broj 39/14): članom 25. stav (1) tačka b); članovima 45., 47. i 51.; članom 68. stav (1); članom 72. stav (3) i odredbama člana 8. stav (1) tačka d) Pravilnika o uspostavljanju i radu komisije za nabavke („Službeni glasnik BiH“, broj 103/14).

Iz naprijed navedenih razloga, a primjenom člana 72. stav (3) tačka b) Zakona o javnim nabavkama („Službeni glasnik BiH“, broj 39/14), riješeno je kao u dispozitivu ove Odluke.

Obrađivač:
Sekretar Komisije
Fahrudin Hasanhodžić

OPĆINSKI NAČELNIK
Dr. Sci. Edin Delić

Dostavljeno:

1. „RIAL-ŠPED“ d.o.o. Doboj Istok
2. Evidenciji
3. Arhivi.